



Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 66. Zakona o pravima, obavezama i odgovornostima pacijenata ("Službene novine Federacije BiH", br. 40/10), člana 14. Zakona o zdravstvenoj zaštiti ("Službene novine Federacije BiH", br. 46/10 i 75/13), člana 107. Statuta Općine Ilijaš – prečišćeni tekst ("Službene novine Kantona Sarajevo", br. 20/09 i 46/18), člana 5. Odluke o osnivanju Zdravstvenog savjeta na području općine Ilijaš ("Službene novine Kantona Sarajevo", br. 17/19) i Odluke o djelimičnom poništenju Ponovnog Javnog poziva za izbor i imenovanje članova Zdravstvenog savjeta Općine Ilijaš broj:01/2.37-1583.4/19 od 30.08.2019.godine, Općinski načelnik Općine Ilijaš, objavljuje

DRUGI PONOVLJENI JAVNI POZIV za izbor i imenovanje članova Zdravstvenog savjeta Općine Ilijaš

I

Općinski načelnik Općine Ilijaš (u daljem tekstu: Općinski načelnik) objavljuje Drugi ponovljeni Javni poziv za izbor i imenovanje članova Zdravstvenog savjeta Općine Ilijaš (u daljem tekstu: Zdravstveni savjet), a u cilju ostvarivanja i unaprijeđenja prava pacijenata i provođenja društvene brige za zdravlje građana općine Ilijaš.

II

Drugi ponovljeni Javni poziv za izbor i imenovanje članova Zdravstvenog savjeta Općine Ilijaš objavljuje se za sljedeće upražnjene pozicije iz reda predstavnika:

1. Zavoda za zaštitu žena i materinstva – lokalitet Ilijaš;
2. Apotekarske djelatnosti iz reda registriranih apoteka sa područja općine Ilijaš;
3. Zdravstvenih radnika iz reda privatnih praksi sa područja općine Ilijaš;
4. Penzionera iz reda Udruženja penzionera sa područja Općine Ilijaš;
5. Ratnih vojnih invalida iz reda registriranih Udruženja RVI sa područja općine Ilijaš.

Mandat imenovanog Zdravstvenog savjeta traje 4 (četiri) godine.

III

Zdravstveni savjet obavlja sljedeće poslove:

- predlaže i evaluira sprovođenje zdravstvene zaštite na području općine Ilijaš,
- daje mišljenje na planove i programe zdravstvene zaštite na području općine Ilijaš, te predlaže mjere za poboljšanje dostupnosti i kvaliteta zdravstvene zaštite na području općine,
- prati primjenu propisa na području općine Ilijaš koji se odnose na zaštitu prava i interesa pacijenata,
- organizuje obrazovne kurseve za građanstvo iz poznavanja materije o pravima pacijenata i postojeće legislative,
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama,
- prati povrede pojedinačnih prava pacijenata na području općine Ilijaš,
- predlaže preduzimanje mjera za zaštitu i unaprijeđenje prava pacijenata na području općine Ilijaš,
- bez odlaganja obavještava Zdravstveni savjet u Kantonalnom Ministarstvu zdravstva slučajevima težih povreda prava pacijenata koje mogu ugroziti živote ili zdravlje pacijenata,
- obavještava javnost o povredama prava pacijenata,
- podnosi Općinskom vijeću godišnji izvještaj o svom radu,

- donosi Poslovnik o svome radu kojim se pobliže uređuje organizacija i način rada,
- obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti.

IV

Zdravstveni savjet u okviru poslova i zadataka koje obavlja aktivno će biti uključen i imat će partnersku ulogu zajedno sa zdravstvenim ustanovama i nadležnim ministarstvima i drugim organima i institucijama, u donošenju zakonskih i podzakonskih akata i drugih mjera u cilju adekvatnog zadovoljavanja potreba zdravstvene zaštite lokalnog stanovništva, a posebno u situacijama kada je u pitanju otklanjanje određenih riziko – faktora za zdravlje stanovništva (vodopsnabdijevanje, uklanjanje deponija i slično).

V

Pravo na prijavu za izbor u članstvo Zdravstvenog savjeta imaju kandidati iz reda Zavoda za zaštitu žena i materinstva-lokalitet Ilijaš, apotekarske djelatnosti iz reda registriranih apoteka sa područja općine Ilijaš, zdravstvenih radnika iz reda privatnih praksi sa područja općine Ilijaš, penzionera iz reda Udruženja penzionera sa područja općine Ilijaš kao i ratnih vojnih invalida iz reda registriranog Udruženja RVI sa područja općine Ilijaš.

VI

Kandidat za člana Zdravstvenog savjeta treba da ispunjava sljedeće uslove:

- da je punoljetni državljanin Bosne i Hercegovine (dokaz: uvjerenje o državljanstvu koje nije starije od šest (6) mjeseci)
- da ima prijavljenu adresu prebivališta na području općine Ilijaš (dokaz: CIPS prijava)
- da je član udruženja/nevladine organizacije registrovane po važećim zakonskim propisima (dokaz: rješenje o registraciji udruženja/nevladine organizacije)
- da ima minimalno tri (3) godine radnog iskustva u instituciji, ustanovi, odnosno da je tri (3) godine aktivan član udruženja, nevladine organizacije (dokaz: potvrda izdata od strane institucije, ustanove, udruženja, nevladine organizacije)
- da uživa ugled i ima evidentne rezultate rada u oblasti u kojoj djeluje (dokaz: potvrda izdata od strane institucije, ustanove, udruženja ili nevladine organizacije).

Kao dokazi dostavljaju se originali ili ovjerene fotokopije originalnih traženih dokumenata. Dokumenti se neće vraćati podnosiocima molbe.

VII

Prijava treba da sadrži kraću biografiju o kandidatu, adresu i kontakt telefon kandidata, te dokaze o ispunjavanju uslova navedene u tački VI ovog Ponovnog Javnog poziva.

VIII

Općinski načelnik će formirati komisiju za izbor i imenovanje članova Zdravstvenog savjeta koja će, na osnovu pristiglih prijava, predložiti Općinskom načelniku listu kandidata za imenovanje u Zdravstveni savjet.

IX

Drugi ponovljeni Javni poziv će biti objavljen na oglasnoj ploči Općine Ilijaš, na web stranici Općine Ilijaš (www.ilijas.ba) i Radio Ilijaša (www.radioilijas.ba).

Drugi ponovljeni Javni poziv ostaje otvoren petnaest (15) dana od dana posljednjeg objavljivanja, a o rezultatima Drugog ponovljenog Javnog poziva podnosioci prijava će biti blagovremeno obaviješteni.

Prijave sa potrebnom dokumentacijom dostavljaju se u zatvorenoj koverti na protokol Općine Ilijaš, svakim radnim danom od 8,00 do 16,00 sati ili putem pošte na adresu:

Općina Ilijaš, ul.126.Ilijaške brigade br.6, 71380 Ilijaš

**sa naznakom "Prijava na Drugi ponovljeni Javni poziv za izbor i imenovanje
članova
Zdravstvenog savjeta – ne otvarati"
Na poledini koverta obavezno upisati kontakt podatke o podnosiocu prijave.**

Neblagovremene i nepotpune prijave neće se uzimati u razmatranje.

Dodatne informacije se mogu dobiti u Službi za društvene djelatnosti i poslove mjesnih zajednica Općine Ilijaš ili na telefon broj: 033/ 580-690.

Broj:01/2-37-1913/19
Ilijaš,10.09.2019.godine



OPĆINSKI NAČELNIK

Akif Fazlić
Akif Fazlić, dipl.ecc.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE,d.d. Sarajevo:160200000710645
e-mail Info@ilijas.ba



Broj certifikata:CRO20063Q